



საჯარო სამართლის იურიდიული პირის -
„ანარმოე საქართველოში“ დირექტორის
ბრძანება



KA020108738077021

№ ს-18

22 / მარტი / 2021 წ.

საჯარო სამართლის იურიდიული პირის „ანარმოე საქართველოში“
ექსპორტის დეპარტამენტის მიერ 2021 წელს განსახორციელებელი
პროგრამების დამტკიცების თაობაზე

საქართველოს ეკონომიკისა და მდგრადი განვითარების მინისტრის 2017 წლის 29 მაისის № 1-1/217 ბრძანებით დამტკიცებული „საჯარო სამართლის იურიდიული პირის – ანარმოე საქართველოში დებულების“ მე-3 მუხლის მე-3 პუნქტის "ბ" და „კ“ ქვეპუნქტების შესაბამისად:

ვბრძანებ:

1. დამტკიცდეს საჯარო სამართლის იურიდიული პირის „ანარმოე საქართველოში“ (შემდგომში - სააგენტო) ექსპორტის დეპარტამენტის 2021 წელს განსახორციელებელი პროგრამები, დანართის შესაბამისად.
2. ბრძანებით დამტკიცებული პროგრამების განხორციელება დაევალოს სააგენტოს ექსპორტის დეპარტამენტს.
3. ბრძანებით დამტკიცებული პროგრამების განხორციელებისათვის საჭირო ბიუჯეტის განსაზღვრა და კონტოლი დაევალოს სააგენტოს ადმინისტრაციულ დეპარტამენტს.
4. ბრძანება ამოქმედდეს ხელმოწერისთანავე.
5. ბრძანება შეიძლება გასაჩივრდეს მისი ოფიციალური წესით გაცნობის დღიდან ერთი თვის ვადაში საქართველოს ეკონომიკისა და მდგრადი განვითარების სამინისტროში (0105 ქ. თბილისი, სანაპიროს ქ. N2 (იუსტიციის სახლი, ყოფილი ენერგეტიკის სამინისტრო).

სსიპ-ის „ანარმოე საქართველოში“
დირექტორი

ხელმოწერილია/
შტამგადასმულია
ელემენტრონულად



მიხეილ ხიდურელი

ექსპორტის დეპარტამენტის პროგრამები 2021

პროგრამის დასახელება	პროგრამის მოკლე აღწერა
<p>1. საერთაშორისო ღონისძიებებში მონაწილეობა</p>	<p>ექსპორტის სტიმულირების, საქართველოს და ქართული პროდუქტების პოპულარიზაციის მიზნით, "აწარმოე საქართველოში" სააგენტოს ორგანიზებით და თანადაფინანსებით ექსპორტზე ორიენტირებული ქართული კომპანიები მონაწილეობას იღებენ სხვადასხვა საერთაშორისო ღონისძიებაში, მათ შორის საერთაშორისო გამოფენებში, სავაჭრო მისიებში, კონფერენციებში, ე.წ შოურუმებში და სხვა აქტივობებში რომელიც ხელს უწყობს საქართველოდან ექსპორტის ზრდას და ქვეყნის სათანადო წარმოჩენას საერთაშორისო ასპარეზზე.</p>
<p>2. საგანმანათლებლო ღონისძიებები</p>	<p>ექსპორტის მენეჯერთა სასერტიფიკატო კურსი მიზნად ისახავს ექსპორტიორი და ექსპორტზე ორიენტირებული კომპანიების მიერ ნომინირებული პირების მომზადებას/გადამზადებას ექსპორტის საკვანძო/საბაზისო საკითხებში შესაბამისი კომპანიების საექსპორტო ოპერაციების დახვეწა/ოპტიმიზაციის მიზნით, რომელიც საბოლოო ჯამში ხელს უწყობს ექსპორტის ზრდას.</p>